

A F R I C A.

Quid enim Hispaniæ flumini in Æthiopia?
Circa flumen planities ampla est, nulli montes
aut colles, Sylvæ frequentes, quibus Elephanti
pascuntur. Crebri lacus ex Nigri inundatione
dicuntur remansisse. Aer circumcirca saluber-
rimus, adeo ut morbo Veneris laborantes si in
has regiones deferantur certo convalescant.
Dictum Nigrim volunt, propter solitudines ni-
gri pulveris, eminentibus interdum velut ex-
stis cautibus; sed vero similis est, nomen eum
à regione Nigritarum, quam percurrit, sum-
psisse.

Animalia.

Varia in Africa reperias monstrorum genera,
quorum diversitatem multitudinemque ino-
piæ aquarum adscribunt, ad paucos sive amnes
sive puteos congregantibus se feris. Multiformes
igitur fieri ajunt animalium partus, varie
mares cum feminis cujusque generis aut vi aut
voluptate miscende. In desertis Lybiæ, & Nu-
midia maxima est serpentum copia. Nempe hic

*Squamigeros ingens Hæmorrhoids explicat orbes,
Natus & ambigua coleret qui Syrtidos arva
Chersydros. tractique via fumante Chelydri.
Et semper recto lapsurus lumine Cenchris
Pluribus ille notis variatam tingitur alvum,
Quam parvis tinctus maculis Thebanus Ophites.
Concolor exustis atque indiscretus arenis
Ammodytes: spinaque vagi torquente Cerastræ,
Et Scytale. sparsis etiam nunc sola pruinis
Exuvias positura suas, & torrida Diplas,
Et gravis in geminum vergens caput Amphisibæna.
Et natrix violator aquæ, jaculique volucres,
Et contentus iter cauda sulcare Phareas.
Oraque distendens avidus spumantia Præster,
Ossaque dissolvens cum corpore tabificus Seps.
Basiliscum etiam alit Africa. Quæ de eo nar-
rantur, fabulosa quidam suspicati sunt: atqui
Leone Pontifice certum est ad ædem S. Lucie
sub fornice stabulatum Basiliscum, cujus adfla-
tu magna læ Roma adfecta fuit.*

